



K E N D E L S E

23. oktober 2017
Sagsnr. 2017-15646
Dok. Nr. 24367603

”Kommune Kujallermut arsartarfiit ivigaasanik qallikkat pingasut”

Postboks 909
3900 Nuuk
Tlf. (+299) 34 50 00
E-mail: box909@nanoq.gl
www.neqeroorut.gl

Kommune Kujalleq (matuma kingorna maalaarutigineqartoq) 2017-imi apriliimit suliassaq pingaarneq: ”Kommune Kujallermi illoqarfinni Qaqortumi, Narsami aamma Nanortalimmi arsartarfiit ivigaasanik qallikkat pingasut” tamanut ammasumik suliariumannittussarsiuuppaa.

Tunniussinissamut ”neqeroorut iluanaarnarnerpaaq” tunngavigineqarpoq, aamalu neqerooruteqartitsinermut najoqqutassani erseqqissaatigineqarpoq, sillimaffissaqartoqarpat taakku neqeroorutit takkuttut imminnut assersuunneqarnerinut atatillugu aningaasalersorneqassasut. Piumasaqaatit ataanni immikkoortunik piumasaqaateqartoqarneranik ilisimatitsissuteqartoqanngilaq.

Entreprenør X (matuma kingorna maalaaruteqartoq) 21. maj 2017-imi suliassamut neqerooruteqarpoq.

Marlunngornermi 23. maj 2017-imi nal. 14:00 suliariumannittussarsiuussisoqarpoq, suliariumannittussarsiuussinermullu imaqarniliaq 24. maj 2017-imi maalaaruteqartumut nassiunneqarpoq.

E-mail-ikkut 15. juni 2017-imeersukkut maalaaruteqartoq maalaarutigineqartumit maalaarutigineqartup *Entreprenør Y*-p neqeroorutaa akueriniarlugu aalajangiinera pillugu nalunaarummik tigusaqarpoq.

12. juli 2017-imi maalaaruteqartoq Neqerooruteqartitsisarnermut Maalaaruteqartarfimmut maalaaruteqarpoq. Maalaarut 11. oktober 2017-imi maalaaruteqartarfiup ataatsimiinnerani oqallisigineqarluni suliarineqarpoq.

Maalaaruteqartoq imatut tunngavilersuuteqarpoq:

Maalaarutigineqartup neqerooruteqartarnermut inatsit malinngitsoorsimavaa, taamaattumillu Maalaaruteqartarfiup maalaarutigineqartoq peqqusariaqarjaa, neqerooruteqartitsinermi suliassap *Entreprenør Y*-mut tunniunneqarnera taamaateqqullugu.

Tamatumunnga tapersiutitut maalaaruteqarpoq tunngavilersuuteqarpoq, maalaarutigineqartup neqerooruteqartarnermut inatsit malinngitsoorsimagaa, taamaattumillu Maalaaruteqartarfiup maalaarutigineqartoq peqqussagaa maalaaruteqartumut 4.259.600,00 koruuninik kiisalu suliarmut aningaasartuutinik akileeqqullugu.

Maalaarutigineqartup piumasaraa tunngavilersuineri itigartitsisoqassasoq, imaluunniit pinngitsuutitsisoqassasoq.

Maalaaruteqartup naammassinninnissamut soqutigisanut tunngatillugu annaassani imatut naatsorsorpai:

Neqeroorutigineqartut:	9.260.000,00 kr.
Iluanaarutissat 46 %-iusut:	4.259.600,00 kr.

Pissutsit suliami pisut

Maalaarutigineqartup 2017-imi januaarimi arsartarfiit ivigaasanik qallikkat pingasut suliarineqarnissaat aamma neqerooruteqarfigitippaa (Ilanngussaq 1). Neqerooruteqartitsineri tassani "aki appasinnerpaaq" tunniussinissamut piumasaqaatigineqarpoq. Neqerooruteqartitsineri najoqqutassiani ilaatigut allasimavoq, neqeroorut allakkat assigiit marluk atorlugit, allakkat puuannut matoqqasumut poorlugit, suliasamik, sanaartugassamik suliffeqarfiullu aqqanik ersarisumik nalunaaqutserlugu tunniunneqassasoq. Aammattaaq allasimavoq, suliariumannittussarsiuussineq marlunngornermi 14. marts 2017-imi nalunaaqutaq 14:00 ingerlanneqassasoq.

Maalaaruteqartoq 26. marts 2017-imi suliasap suliarineqarnissaanut katillugit 18.390.400 koruuninik akeqartitsinissamik neqerooruteqarpoq (Ilanngussaq 2). Neqerooruteqarfissat allattorsimaffianni B-mi suliasap suliarineqarnissaa 6.253.800 koruuneqarpoq aammalu neqerooruteqarfissat allattorsimaffianni C-mi suliasap suliarineqarnissaa 6.432.800 koruuneqarluni. Maalaaruteqartup neqeroorutaani allasimavoq, sanatitsisup pilersuiissaa ilaatinneqanngitsoq.

Maalaaruteqartoq 27. marts 2017-imi suliasaq A-p aamma B-p, katillugit 10.194.260,00 koruuninik akeqartitsilluni suliarineqarnissaanut allamik neqerooruteqarpoq (Ilanngussaq 3). Neqeroorummi allami ilaatigut allasimavoq, ruujorit katitittakkat ruujorinik maniilakuluttunik taarserneqassasut, aammalu innaallagissersuineq suliasamut najoqqutassat naapertorlugit suliarineqassasoq.

28. marts 2017-imi aamma *Entrepreneur Y* suliasap suliarineqarnissaanut neqerooruteqarpoq. Neqerooruteqarfissat allattorsimaffianni A-mi suliasap suliarineqarnissaa 9.031.880 koruuninik akeqarpoq (Ilanngussaq 4).

Suliariumannittussarsiuussinermut imaqarniliami 28. marts 2017-imeersumi (Ilanngussaq 5) ilaatigut allasimavoq, suliariumannittussarsiuussineq 27. marts 2017-imi ingerlanneqartoq. Maalaaruteqartoq kisimi neqerooruteqarsimasutut isigineqarpoq, aammalu neqeroorut siulleq neqeroorullu alla suliariumannittussarsiuussinermut ilaatinneqarput.

Entreprenør Y-p neqeroorutaa piumasaqaatinik naammassinniffiunngitsutut itigartinneqarpoq, neqeroorut e-mail-ikkut nassiunneqarluni piumasarineqartutut nassiunneqarsimannngimmat.

E-mail-ikkut 26. april 2017-imeersukkut (Ilanngussaq 7) maalaaruteqartoq ilisimatinneqarpoq, neqeroorutini tiguneqartuni sanaartugassanut aningaasaliissutini aningaasartaliussat sinneqarsimammata suliariumannittussarsiuussineq taamaatinneqartoq.

2017-imi aprillimi suliassaq pineqartoq maalaarutigineqartumit aalajangiinerup matuma aallarniutaani nassuiaatigineqartutut neqerooruteqartitsivigeqqinneqarpoq. Neqerooruteqartitsinermut najoqqutassani ilaatigut (Ilanngussaq 8)-ip imarisaani, neqeroorutit suliariumannittussarsiuussinissamut piffissaliussap nalaa-ni tunniunneqarsimasut, aammalu ibinder.dk-mi "neqeroorfissanut allattuiffiit ilanngunneqartut, agguanneqarnissaannut allattuiffinnik ilaqartinneqartut ma-lillugit allakkat assigiit marluk, allakkat puuannut matoqqasumut poorlugit, suli-assamik, sanaartugassamik suliffeqarfiullu aqqanik ersarissumik nalunaaqutser-lugu tunniunneqassasoq allassimavoq."

Maalaaruteqartoq 21. maj 2017-imi allattuiffik A-mi (Ilanngussaq 9) allassi-masunut neqerooruteqarpoq. Maalaaruteqartoq allattuiffik B-mi aamma C-mi allassimasunut neqerooruteqanngilaq. Maalaaruteqartup neqerooruteqarnermini akigititaa 9.260.000 koruuniuvoq, taakkunungalu sanatitsisumut pilersuinerit, 2017-imi marsimi neqerooruteqarnermut ilaatinneqanngitsut ilaatinneqarput.

Maalaarutigineqartup aamma *Entreprenør Y*-mi HJ-ip akornanni e-mail-ikkut at-taveqaqatigiinnermi (Ilanngussaq 10) allassimavoq, maalaarutigineqartup neqe-rooruteqarnissamut najoqqutassat *Entreprenør Y*-mut nassiussimagai. Aamma maalaarutigineqartup e-mail-erutaani Ibinder-imut innersuussisoqarpoq.

Entreprenør Y 22. maj 2017-imi nalunaaqutaq 22:46 suliassamut neqeroorum-mik e-mail-ikkut maalaarutigineqartup siunnersortaanut (Ilanngussaq 11) nassi-ussivoq. Neqeroorut (Ilanngussaq 12) 28. marts 2017-imi ulloqarpoq, taannalu neqeroorutaavoq *Entreprenør Y*-p siusinnerusukkut suliariumannittussarsiuussi-nermi nassiussimagaa. Innaallagissamut neqeroorfigineqartut allattorsimaffian-nut aningaasat katinnerat allanneqarsimavoq. Suliassap immikkoortuinut ataa-siakkaanut suliassat nassuiaasersorneqarsimannngillat.

Maalaarutigineqartup siunnersortaanut e-mail-imi 22. maj 2017-imeersumi nalu-naaqutaq 22:49 nassiunneqartumi (Ilanngussaq 13) *Entreprenør Y* neqerooru-teqartitsinermut najoqqutassanut, februaarip ulluisa 23-anni tiguneqartunut neqeroorummik allamik nassiussivoq. Neqeroorummi allami tassani taku-neqarsinnaavoq, neqeroorut atortunut aaqqiissutissat neqeroorfigineqareersut assigigaat, aammalu neqerooruteqartitsineq assigalugu aaqqiissutissat tamarmi-

usut tassani pineqarput, taakkununga ivigaasat, ungalut, qullit højtalereqarfiillu ilaallutik. Arsartarfinnut pingasuusunut tamanut neqerooruteqarneq katillugit 15.750.000 koruuninik aningaasartalerneqarpoq.

Suliariumannittussarsiuussinermut imaqarniliami 23. maj 2017-imeersumi (Ilanngussaq 14) ilaatigut allassimavoq:

”...

Suliariumannittussarsiuussineq pilersaarutaasutut 23. maj 2017-imi nalunaaqutaq 14:00 kommunip teknikkimut ingerlatsiviani B 1196-imi ingerlanneqarpoq. *KL*-ip aamma Teknikkimut Avatangiisinullu Ingerlatsivimmiit *MN*-ip saniatigut entreprenørinit neqerooruteqartunit *OP* aamma *QR* peqataapput.

Ataatsimiinneq *KL*-imit ammarneqarpoq, taassumalu takkuttut tikilluaquai, tamatumalu kingorna neqeroorutit ataasiakkaat ammarneqarput atuarneqarlutillu. *KL*-ip neqerooruteqarnermut akiusut aamma neqeroorutitut ataasiakkaanut atatillugu tunuarsimaarfiusinnaasut allattorpai. Tamatuma kingorna entreprenørinit neqerooruteqartut akerliliissutissaqarunik saqqummiusseqqullugit qinnuigineqarput.

KL ilisimatitsivoq, *Entreprenør Y*-miit neqeroorummik e-mail-ikkut tigusisoqarsimasoq, sanatitsisup nalunaarutigisaatut ibinder.dk aqutiginagu, *Entreprenør Y*-llu siunnersorti attaveqarfigisimavaa, ibinder.dk-kut neqeroorummut immiussivissaq nassaarisinnaanagu nalunaarfigalugu, tassanilu isumaqatigiissutigineqarpoq, *Entreprenør Y*-p neqeroorutaa pillugu siunnersorti oqaloqatigineqassasoq.

Siunnersorti oqarasuaatikkut attaveqarfigineqarpoq, aammalu *Entreprenør X*-ip akerliliissutaa nalunaarutigineqarpoq allanneqarlunilu.

...

Akerliliissutit: -

Akerliliissutit uku *Entreprenør X*-imit saqqummiunneqarput:

1. Paatsuugassaangitsumik ersarissumillu allassimavoq, neqeroorutit ibinder.dk aqutigalugu tunniunneqassasut (tamanna pisimangilaq, siunnersortip e-mail-ianut nassiussisoqarsimavoq)

Imaluunniit allakkat assigiit marluk Kommune Kujallermut tunniunneqartussaapput.

Entreprenør Y-p suliffeqarfiata GER-normuanik ilanngussisoqarsimangilaq.

2. 16.05.17-ip kingorna siunnersorti neqerooruteqartup apeqqutaanut akissuteqarsimavoq. Neqerooruteqarnissamut najoqutassami allassimavoq, piffissap taassuma kingorna akissuteqartoqarnissaa naatsorsuutigineqarsinnaanngitsoq.

3. *Entreprenør* Y-miit neqeroorutit tunniunneqartut piumasaqaatinik eqqortumik naammassinniffiunatik tunniunneqarput tunuartinneqartussaallutillu.

KL-ip takkuttut peqataanerannut qutsavigai, tamatumalu kingorna nalunaarpoq neqeroorutit misissorneqassasut, kommunillu inaarutaasumik aalajangiinera pi-aartumik nassiunneqassasoq.

...”

Maalaarutigineqartup sanaartornermut ingeniørianit KL-imit ilaatigut maalaarutigineqartut allat pillugit e-mail-erutaani 24. maj 2017-imeersumi (llanngussaq 19) allassimavoq:

”...

Tamanut ammasumik neqerooruteqartitsinermi matumani neqerooruteqartitsiner-nermut najoqqutassat suliassanik taamaattunik neqerooruteqartitsisarnermi saaf-figinnissinnaasunut misilittakkat malillugit neqerooruteqarniartunut naammattunik amerlassusilerlugit naqinneqarput. Aamma tamanna pereermat sanatitsisoq neqeroorutiniq, neqerooruteqartitsinermi tunngaviusuni (neqerooruteqartitsinermi allakkiami) piumasaqaatinik naammassinniffiunngitsunik tigusinissamut pisussaaf-filerneqarsinnaanngilaq, neqerooruteqartup neqerooruteqannginnermini neqeroo-roteqartitsinermi najoqqutassat misissorluarsimasariaqarmagit.

Neqeroorut ataaseq (ilanngunneqartoq) tiguneqartoq, sanatitsisup siunnersortillu kissaatigisaanut akerliusoq pillugu akerliliisoqarpoq, taamaattumillu suliffeqarfiup malittarisassat malinnagit naammassinniffiunngitsumik neqeroorutaata itigartinne-qarnissaa inassutigineqarpoq.

...”

Sulisitsisuni allattoqarfimmi pisortap mail-ikkut 30. maj 2017-imeersukkut (llanngussaq 15) maalaarutigineqartoq nalunaarfigaa, Sulisitsisut isumaat malillugu *Entreprenør* Y-p neqeroorutaa eqqortumik tunniunneqarsimanngitsoq, aammalu maalaaruteqartup neqeroorutaa kisimi piumasaqaatinik naammassinniffiusoq.

E-mail-ikkut 1. juni 2017-imeersukkut (llanngussaq 16) maalaaruteqartoq nalu-naarfigineqarpoq, maalaaruteqarfigineqartup Aningaasaqarnermut Ataatsimiiti-taliaa inaarutaasumik aalajangereerpat inaarutaasumik nalunaaruteqartoqas-sasoq, aallaqqaammut aningaasaliissutaasut malinneqarsinnaanissaat naatsor-suutigineqanngimmat.

Maalaarutigineqartumi teknikkeqarnermut pisortap ST-p maalaarutigineqartumut e-mail-erutaani 15. juni 2017-imeersumi (llanngussaq 17) ilaatigut imatut allas-simasoqarpoq:

” ...

Suliariumannittussarsiuussineq maajip ulluisa 23-anni ingerlanneqartoq naaper-
torlugu matumuuna nalunaarutigineqassaaq, Kommunalbestyrelsip neqeroorut
akikinnerpaaq, kommunip *Entreprenør Y*-mit pissarsiarisaa tiguniarlugu.

Kommuni neqerooruteqartitsinermik taamaatitsinissamik kissaateqarneri naam-
massiniarnagu aalajangerpoq, kommunip naliliinera malillugu neqeroorutiniq pis-
sarsiniarnermi suliat ingerlanissaat toqqarneqartoq neqerooruteqartitsinerup
tunngavissaqanngitsumik ingerlanissaanut sunniuteqanngimmat.

Kommunimiit peqataanissinnut qutsavigineqarpusi.

...”

Maalaaruteqartup 2016-imut ukiumoortumik nalunaarusiaani naatsorsukkat
inernerisa kisinneqarnerini ilaatigut allassimavoq, maalaaruteqartup ilangaase-
reernagit pissarsiai 25.678.528 koruuniusimasut, aammalu ukiumut naatsorsuk-
kat ineneri 2.068.902 koruuniullutik.

Nassuiaatit

Suliap oqaloqatigiissutigalugu suliarineqarnerani *QR* suliamut akuusutut imatut
nassuiaateqarpoq:

QR-ip maalaaruteqartup 50 %-ia pigisaraa. *OP* 50 %-inut sinneruttunut piginnit-
tuuvoq. *QR* 1994-imi innaallagisserivimmik aallartitsilluni Kalaallit Nunaanni sa-
nasutut aallartippoq.

Arsartarfiit siullermeerlutik tamanut ammasumik suliariummannittussarsiuunne-
qarnerini maalaaruteqartoq neqerooruteqarpoq. Neqerooruteqartitsinermut
najoqqutassani allassimavoq, sanaartortitsisumut pilersuinissaq ilanngunneqas-
sanersoq neqerooruteqartup nammineerluni aalajangissagaa. Sanaartortitsisup
suut pilersuutigisinnanera, aammalu neqerooruteqartut suliassat taakku
neqeroorumminnut ilanngunniarnerlugit naliliiffigissagaat neqerooruteqarnermut
najoqqutassani allassimavoq.

Apriliip ulluisa 21-anni mail-imik, allamik akeqartitsinissamik, sipaagaqarnissa-
mik imaqartumik kommunimut nassiussivoq. Paamiuni arsartarfiliortut oqaloqa-
tigereerlugit neqeroorut alla taanna nassiuppaa. Sipaagassani ilaatigut imaarsi-
viit peerneqarnissaat ilaatinneqarpoq. Sanatitsisumut pilersuinissat ilaatinne-
qannginnerat uteqqillugu oqaatigineqarpoq. Sanatitsisumut pilersuutissat 5 mio.
koruunit missaannik akeqarput.

Entreprenør Y aamma siullermeernermi neqerooruteqarpoq, taassumali neqe-
roorutaa peerneqarpoq, e-mail-ikkut tiguneqarmat.

Neqerooruteqartitsineq siulleq atorunnaarsinneqarpoq, aammalu nutaamik neqerooruteqartitsisoqarpoq, piumasagaat neqeroorummut iluanaarnarnerpaa-mut allangortinneqarluni. Aappasaanik neqerooruteqartitsisoqarmat maalaaruteqartumit maluginiagaqartoqanngilaq.

Neqerooruteqartitsinermit kingullermut maalaaruteqartoq taamaallaat allattuiffik A-mut neqerooruteqarpoq. Taamaalinerani ukioq ingerlangaatsiareersimammata arstartarfiit pingasuusut tamarmik angumerineqarnissaat ajornarpoq. Suliami nipinneqqut minnerpaamik 8 gradini kissassusilimmi atorneqartussa atorneqartussaavoq, ukiullu ingerlanera kingusillereermat illoqarfiit pingasuusut tamarmik angumerineqarsinnaanngillat.

QR aamma OP suliariumannittussarsiuussinermit takkupput. Matu matuneqarpoq, taakkulu kisimik neqerooruteqartuusimapput. Suliariumannittussarsiuussinermit KL sianerfigineqarpoq, taannalu oqarpoq neqeroorummik allamikkut mail-ikkut takkuttoqassasoq. *Entreprenør Y-p* neqeroorutaa mail-ikkut takkuppoq, taannalu aatsaat suliariumannittussarsiuussinerup isumaqatiginninniutigineqarnerata aallartereeranerani tiguneqarpoq. *Entreprenør Y-p* suliariumannittussarsiuussinerup aappaanut neqeroorutaa siullermitulli tiguneqarpoq. Suliariumannittussarsiuussinermit siullermit *Entreprenør Y-p* neqeroorutaa eqqortumik tunniunneqanngimmat itigartinneqarpoq.

Maalaaruteqartoq suliariumannittussarsiuussinermit akerliuvoq. Suliaq suliarineqarluni aallartinneqareerpoq. Suliaq neqeroorummi allami, Ilanngussaq 13, qupp. 2-mi allassimasutut ingerlasoq QR-ip takusinnaavaa, kisiannili kommunip *entreprenørillu* akornanni isumaqatigiissut qanoq isikkoqarnerasoq ilisimannginnerarpaa.

Maalaaruteqartup neqeroorutaa alla *Entreprenør Y-p* ilisimasimaneraa naluaa, kisiannili tassangga suliamik suliaqarneq, maalaaruteqartup neqeroorutaani allassimasoq malillugu suliarineqarpoq.

Maalaaruteqartoq sillimaffissanik sillimaffeqanngilaq, imaluunniit sooq arstartarfiimmut ataasiinnarmut neqerooruteqarnerluni neqeroorummini tunngavilersuinani, kisiannili tamanna QR-ip suliariumannittussarsiuussinermit ilisimatitsissuteqarfigaa.

Aningaasat taarsiissutissat neqerooruteqarnermit aningaasartaliussat tamarmiusut 46%-iinut Ilanngussaq 18-imi ilisimatitsissutigineqartutut aalajangerneqarput.

Maalaarutigineqartup sinniisaa, siunnersortaaneq UV ilisimatitsivoq, arstartarfinnut aallaqqaammut aningaasaliissutigineqartut 12 mio. koruuniusut, taassumalu kingorna ilassutitut aningaasaliissuteqartoqartoq. Isumaqatigiissummut inaar-

taasumut neqeroorut alla, llanngussaq 13-imiittoq aallaaviusimagunarpoq, kisiannili isumaqatigiissut inaarutaasoq ilisimannginnerarpaa.

Illuatungeriit tunngavilersuutaat

Maalaarutigineqartup itigartitsinissamut tunngavilersuutaanut tunngatillugu **maalaaruteqartoq** oqarpoq, maalaaruteqartoq inatsisitigut toqqaannartumik soqutigisaqartuusooq, suliffeqarfik suliassamut neqerooruteqartoq suliamut akuusutut inissisimammat. Taamaattumik suliame itigartitsinissamut tunngavisaqartoqanngilaq.

Maalaarutigineqartup neqerooruteqartitsinera neqerooruteqartitsinermut inatsimmut ilaavoq, suliariumannittussarsiuussinissallu ingerlannissaanut malitassat malinneqarnissaat inatsimmi pingaarutilittut piunasaqaataavoq.

Suliffeqarfiit marluk suliassamut neqerooruteqartuupput, suliffeqarfiillu marluullutik neqerooruteqartitsinerni marluusuni tamani neqerooruteqarput. *Entreprenør Y* siullermik itigartinneqarpoq, aappassaannili taamaanngilaq, naak pisuni marluusuni neqeroorut assigiimmik nassiunneqaraluartoq.

Entreprenør Y-p malitassat, neqerooruteqartitsinermut allakkiami allattorneqartut aammalu piunasaqaatit naliginnaasut atuuttut malissimanngilai, neqeroorutertik aammalu neqeroorut alla e-mail-innakkut nassiussimagamiuk.

Kommunip neqeroorummik eqqortumik nassiunneqanngitsumik akuersisimaneera neqerooruteqartitsisarnermut inatsimmi § 7, imm. 3-mik uniuineruvoq. Tamatum kingunerisaanik *Entreprenør Y*-p neqeroorutaa 23. maj 2017-imi suliariumannittussarsiuussineq sioqqullugu maalaarutigineqartup ilisimareerpaa. Neqeroorutiniq ulloq neqeroorfiusoq sioqqullugu ammaasoqannginnissaa pingaaruteqarluinnarpoq. Tunngavissamik taassuminnga unioqqutitsineq neqerooruteqartut assigiimmik pineqarnissaannik pinngitsuutitsisussaavoq.

Neqerooruteqartitsisarnermut inatsimmi § 7, imm. 3-mi tunngaviusooq naapertorlugu neqerooruteqartup ataatsip suliat ingerlanissaannut peqqussut malinngippagu, neqeroorut itigartinneqartussaavoq. Suliami aalajangersimasumi assigiinngisitsisoqarsimanersoq apeqqutaanngilaq. Suliat ingerlasarnerinut peqqussut malinneqarsimanngippat, tamanna tamatigut pingaartinneqartussaavoq. Kukkuneq pisumi aalajangersimasumi isumaqarnersoq nalilissallugu neqerooruteqartitsisoq pisussaannngilaq. Maalaarutigineqartoq pisussaavoq *Entreprenør Y*-p neqeroorutaa qaangiinnassallugu, taamatullu neqerooruteqartitsinerup siulliup ingerlanerani pisoqarpoq.

Neqeroorutip akuerineqartup piunasaqaatinik naammassinniffiunnginnera paatsuugassaannngilaq, taamaattumillu neqerooruteqartitsisarnermut maleruagassat

arajutsisimaneqanngitsumik ersarissumillu unioqqutinneqarput. Akisussaaffimmik sumiginnaasoqarnera nalorninangilaq.

Neqerooruteqarnermut allattuiffimmik immersuisoqassasoq suliamut llanngussaq 8-mi piumasarineqarpoq, maalaaruteqartorlu llanngussaq 9-mi taamaaliorpoq. *Entreprenør* Y-p neqeroorutaani neqerooruteqarnermut allattuinnissamut piumasaqaat naammassineqanngilaq. Innaallagissamut akit tamarmik ataatsimut katinneri atorlugit allanneqarsimapput, taamaalillunilu llanngussaq 12 eqqortumik immersorneqanngilaq. *Entreprenør* Y-p neqeroorutaa piumasaqaatinik naammassinniffiunngimmat, maalaaruteqartoq pisussaavoq neqeroorut qaangiinnasallugu. Aamma maalaarutigineqartup unioqqutitsineq aningaasartalersimangila.

Maalaarutigineqartup maalaaruteqartup akerliliissutaanik taassumalu inatsisigut kingunissaanik ilisimasaqarnera sukannernerulersitsivoq, maalaarutigineqartup suliaasaq *Entreprenør* Y-mut tunniummagu.

Suliami llanngussaq 12-imi takuneqarsinnaavoq, *Entreprenør* Y-p neqeroorutaa 24 mio. koruuninik aningaasartaqartoq. Tassani suliami matumani neqerooruteqartitseriaaseq tamarmi unioqqutinneqarluni aallartippoq. Kisiannili maalaarutigineqartup sinniisaanik ilisimatitsissutigineqarpoq, neqeroorut taanna maalaarutigineqartup isumaqatigiissusiorfigisimangikkaa. Maalaarutigineqartup neqeroorut alla, neqerooruteqartut allat isummerfigissallugu periarfissaqarfiginngisaat akuerisimavaa.

Neqerooruteqartitsinermit najoqqutassat eqqunngillat. Neqeroorut aningaasaqarnikkut iluanaarnarnerpaaq piumasaqaatigineqarpoq. Neqeroorut aningaasaqarnikkut iluanaarnarnerpaaq piumasaqaatitut allassimappat, piumasaqaatit immikkoortui paasisutissiissutigineqanngippata neqeroorut atorsinnaanngilaq.

Neqerooruteqartitsinermit matumani unammillissutigineqartoq akimut tunngasuuvoq. Aamma llanngussaq 17-imi allassimavoq, kommuniq neqeroorut akikinnerpaaq tigusimagaa. Suliaq akinut unammilleqatigiinnertut suliarineqarsimavoq, naak neqeroorut aningaasaqarnikkut iluanaarnarnerpaaq pineqartoq ilisimatitsissutigineqaraluartoq.

Maalaaruteqartoq taamaallaat allattuiffik A-mut neqeroorummik tunniussaqaarpoq. Maalaarutigineqartup neqeroorut piffissaq eqqorlugu tunniunneqarsimasutut akueraa. Kommuniq pisussaavoq assersuutissanik tunngavissaqarniarluni suliasat amigaataasut aningaasartalissallugit.

Maalaarutigineqartup neqeroorut 15 mio. koruunit missaannik aningaasartalik tigusimagunarpaa, naak aningaasaliissutitut ilisimatitsissutigineqartut 12 mio. koruunit sinneraluarai. Maalaaruteqartoq ilisimatinneqarpoq, maalaaruteqartup

neqeroorutaa qaffasippallaartoq, naak neqeroorutigineqartoq allanit akitigut nikingangaanngikkaluartoq.

Neqeroorut alla aatsaat toqqaanermi neqeroorutip aningaasaqarnikkut ilua-naarnarnerpaap tiguneqarnissaanut piumasaqaat malillugu toqqaasoqarpat tiguneqarsinnaavoq, suliamili matumani aki appasinnerpaaq toqqarneqarpoq.

Neqerooruteqartitsisarnermut inatsimmi maleruagassat arajutsisimanagit unioq-qutinneqarsimapput aammalu tunngavissat inatsisunik unioqutitsiviusut atorlugit isumaqatigiissusiortoqarsimavoq. Taamaattumik neqerooruteqartitsisarnermut inatsimmi § 30, imm. 2 naapertorlugu neqerooruteqartitsineq taamaatinneqarta-riaqarpoq. Kommuni suliat ingerlangaatsiareernerini taamaatitsinissaq qanoq ingerlanneqassanersoq paasiniartussaavaa.

Neqerooruteqartitsinerup pineqartup ingerlanneqarnerani nalinginnaasunik piviu-sunillu ajornartorsiortoqarpoq. Maalaarutigineqartup neqeroorut eqqortumik aammalu piffissaq eqqorlugu nassiunneqanngitsoq tiguaa. Neqerooruteqartitsi-neq atuuttussaangilaq aammalu isumaqatigiissut tunniunneqartoq atorun-naarsinneqartussaavoq. Kiisalu maalaaruteqartoq naammassinninnissamut so-qutigisaqarnerminut taarsiiffigineqartussaavoq. Suliariumannittussarsiuussineq eqqortumik ingerlanneqarsimagaluarpat maalaaruteqartup suliassaq pissarsiari-simassagaluaraa uppersarsarneqarsimavoq, tunngaviusumik maalaaruteqartoq kisimi neqerooruteqartuummat.

Maalaaruteqartup annasai tunngavilersuummi oqaatigineqartut saniatigut naat-sorsornissaannut allanik periarfissaqanngilaq.

Maalaaruteqarnermut akiliut utertillugu akilerneqassaaq, aammalu maalaarute-qartoq suliamut aningaasartuutininik, inuinaat saqitsaannerannut sulianut Nunat-ta Eqqartuussiviata akigititai malillugit akiliiffigineqassaaq.

Maalaarutigineqartoq tunngavilersuutiminut tapertatut pingaarnertut allappoq, suliaq isumaqatiginninniartarnermi periaatsinit aqunneqanngitsoq. Maalaarute-qartarfiup aningaasaqarnermut piumasaqarsinnaanermut uppersarsaatissaqar-nersoq nammineerluni isummerfigaa.

Maalaaruteqartup tunngavilersuinerminut tapertassatut allappoq, neqeroorute-qartitsisarnermut inatsimmi § 30, imm. 2-mi allassimasoq, maalaaruteqartarfik maalaarummut itigartitsisinnaasoq. Maalaarutininik oqartussaasunut qaffasinne-rusunut ingerlatitseqqittarnermi ingerlatsinerneq maleruagassat nalinginnaasut atorneqartariaqarput, taakkununnгалu ilanngullugu maalaaruteqartarfiup maa-laarut itigartissinnaavaa, maalaarut maalaaruteqartumut inatsisitigut soqutigi-naateqanngippat, tak. neqerooruteqartitsisarnermut inatsimmi § 29, imm. 1, nr. 1.

Maalaaruteqartoq maalaarummi inatsisitigut naammattumik soqutigisaqartuusi-massanngilaq, suliffeqarfik suliassap neqerooruteqartitsivigineqartup tunniunne-qarnissaanik piunasaqaateqanngimmat. Maalaaruteqartoq taamaallaat arsartar-fimmut ivigaaqqanik qallikkamut ataasiinnarmut neqerooruteqarpoq, maalaarute-qartup neqeroorutaa tiguneqassappat, arsartarfinnut marlunnut allanut nutaamik neqerooruteqartitsinissaq pisariaqartussaavoq. Maalaaruteqartarfiup arsartar-fimmut ivigaaqqanik qallikkamut ataatsimut neqeroorutaata 9.260.000 koruuni-nik aningaasartaqarnera, aammalu arsartarfinnut ivigaaqqanik qallikkanut pinga-suusunut aningaasaliissutit immikkoortinneqartut 12.000.000 koruuniunerat eqqarsaatigalugu maalaarutigineqartup maalaaruteqartup neqeroorutaanut aku-ersisimanissaa piviusorsiuunngilaq.

Suliariumannittussarsiuussineq taamaatinneqarsimagaluarpaa, malaaruteqartup suliassaq pisussaagaluaraa, imaluunniit suliariumannittussarsiuussineq peqqutit, maalaaruteqarnermut tunngaviusunit allaanerusut tunngavigalugit suliariuman-nittussarsiuussineq taamaatinneqarsimangitsoq maalaaruteqartup uppersarsar-tussaavaa.

Kukkunerik, maalaaruteqartup tikkuagaanik pisoqarsimasoq maalaarutigine-qartup isumaqatigaa, taakkunungalu paasissutissat, llanngussaq 19-imi taku-neqarsinnaasut maalaaruteqartumut nassiuunneqarnerat kukkunerusoq ilaavoq. Kiisalu *Entreprenør Y* neqerooruteqarnermut allattuiffimmik tunniussisimangit-soq ilumoorpoq.

Kukkunerilli taakku suliassamut isumaqatigiissutigineqartup taamaatinneqarne-ranik kinguneqartariaqanngilaq. Kukkunerusoq ima annertutiginnigillat, eqqarsaa-tigisassat neqerooruteqartitsinermut inatsimmi illersorneqartut, taakkunungalu unammilleqatigiinnermut pitsanngorsaaneq ilanngullugu, peqqutigalugit suliariumannittussarsiuussinermik taamaatitsinissaq piunasaqartariaqarluni.

Entreprenør Y-p innaallagissamut pilersuinissamut neqerooruteqarnermut allat-tuiffik immersugaa kukkuneqanngilaq. Aamma *Entreprenør Y*-p neqeroorutaata lbinder aqqutiginaq, kisiannili sanatitsisup siunnersortaanut e-mail-ikkut nassi-unneqarnera unammilleqatigiinnermut akornutaasariaqanngilaq imaluunniit tama-tuma pinissaanut ulorianartorsiorfiusariaqarani. Taamaattumik inatsimmi § 7 naapertorlugu siunertaasoq saneqqutsisoqarsimagaluartorluunniit naammassi-neqarpoq.

Periaaseq taanna *Entreprenør Y*-p suliffeqarfiilluunniit allat unammilleqatigiin-nikkut iluaqusiisimanersoq maalaaruteqartup uppersarsartariaqarpaa.

Kommunip naliliinera malillugu periaaseq *Entreprenør Y*-p atugaa annertuumik *Entreprenør Y*-mut namminerit ulorianartorsiorfittisimavoq.

Aamma maalaaruteqartup annaasaqarneranut uppersaatissat amigaataapput. Arsartarfinnut pingasuusunut tamanut neqeroorut 15,7 mio. koruunit missaannik nalilik akuerineqarpoq. Maalaaruteqartup arsartarfiit pingasuusut tamaasa suliarissagaluarpagit, maalaaruteqartup neqeroorutaani aningaasat taakku qaangerneqangaatsiarsimassagaluarput.

Suliaq eqqortumik suliarineqarsimagaluarpat taamaatitsisoqarsimassagaluartoq ilimanarpoq. Maalaaruteqartup suliassaq pissarsiarisimassagaluarlugu uppersarsimangilaa, neqeroorutaata aningaasaliissutit qaangingaatsiarmagit. Kommuniq aningaasaqarnera tunngavigalugu maalaaruteqartup suliassamik pissarsisimanissaa ilimanaateqanngilluinnarpoq.

§ 30, imm. 2-mut oqaaseqaatini allassimavoq, inatsisunik unioqqutitsinerup sakkortussusia il.il. eqqarsaatigineqartussaasoq. Suliaq aallartinneqareemat maanna taamaatitsinissaq periarfissaqanngilaq.

Maalaaruteqartarfiup aalajangiinera

Neqerooruteqartitsisarnermut inatsimmi § 29, imm. 1-imi allassimavoq, kikkulluunniit qinnuteqartut neqerooruteqartullu maalaaruteqarsinnaatitaasut. Maalaaruteqartoq suliariumannittussarsiuussinermi pineqartumi neqerooruteqarpoq, taamaattumillu maalaaruteqarsinnaatitaalluni. Taamaattumik maalaaruteqartarfiup maalaarutigineqartup inatsisitigut soqutigisaqarnermik amigaateqarneq peqqutigalugu itigartitsinissamut tunngavilersuutaa isumaqatiginngilaa.

Maalaarutigineqartup neqerooruteqartitsinera arlalinnik kukkuneqartoq illuatungeriit isumaqatigiissutigaa. Pingaartumik maalaaruteqartoq annaasaqarsimarnernik uppersaasimanersoq isumaqatigiinngissutigineqarpoq.

Maalaaruteqartarfik isumaqarpoq maalaarutigineqartup suliassanut pineqartunut "neqeroorut iluanaarnarnerpaaq" piumasaralugu, neqeroorutiniq toqqaanermi piumasaqaatit immikkoortui suut pingaartinneqassanersut oqaatiginagu neqerooruteqartitsinera eqqarsaatigalugu neqerooruteqartitsineq sakkortuunik anner-tuunillu kukkuneqartoq maalaaruteqartarfik isumaqarpoq.

Neqerooruteqartitsinermik tamarmiusumik taamaatitsisoqarnissaanik illuatungeriit arlaannaalluunniit tunngavilersuuteqanngilaq, aammalu maalaaruteqartoq maalaarutip atuuttussanngortitsinissaanik qinnuteqarsimangilaq. QR-ip nassuiaanera malillugu suliaq pineqartoq aallartinneqareerpoq. Suliariumannittussarsiuussinerup ingerlanerata kingorna piffissaq atorneqartoq eqqarsaatigalugu Maalaaruteqartarfiup pingaartippaa, maannarpiq suliaq ima siuarsimatigimmat naammassinangajalerluni. Tamatuma kingorna Maalaaruteqartarfik isumaqarpoq, maalaarutigineqartup suliassamik *Entreprenør* Y-mut tunniussinissamik aalajangiinera taamaatinneqarnissaanik maalaaruteqartup piumasaqarnera malissallugu tunngavissaqanngitsaq.

Maalaaruteqartarfik isumaqarpoq, neqerooruteqartitsinerup ingerlanera eqqortu-
mik ingerlasimagaluarpat maalaaruteqartup suliassaq pissarsiarisimassaneraa
maalaaruteqartarfiup uppersarsimangikkaa. Tassani ilaatigut maalaarute-
qartup neqeroorutaata taamaallaat suliassatut neqerooruteqartitsivigineqartut
ilaannaanut tunnganera pingaartinneqarpoq. Kiisalu neqerooruteqartitsiner-
mut piumasaqaatit inatsisit malillugit tunniussinissamut aalajangiinnermut tunngavis-
satut naleqqutinngillat. Taamaattumik peqqutaasut ataqatigiinnerinut taarsiissu-
teqarnissamut piumasaqaatit naammassineqarsimangillat, tamannalu peqquti-
galugu maalaaruteqartoq taarsiiffigineqarnissamik piumasaqaateqarsinnaanngi-
laq.

Kiisalu Maalaaruteqartarfik isumaqarpoq, neqerooruteqartitsiner-
mut najoqqu-
tassani kukkunerit ima ersaritsigisut annertutigisullu, neqerooruteqartitsiner-
mi inatsisit malinneqannginnerat maalaaruteqartumit paasineqarsimasariaqaraluar-
lutik. Tamatuma kingorna Maalaaruteqartarfik isumaqarpoq, neqerooruteqartit-
siner-
mi kukkunerit aammalu maalaaruteqartup neqeroorusiornerninut anin-
gaasartuutaasa akornanni peqqutaasut ataqatigiinngitsut. Taamaattumik maa-
laaruteqartoq isumaqatigiissusiornissamut soqutigisanut annaasaqarner-
mut taarsiiffigineqarsinnaanngilaq.

Suliap inernerata kingorna maalaaruteqartup suliamut aningaasartuutimi matus-
suserneqarnissaat piumasarisinnaanngilaa. Kukkunerit maalaarutigineqartumit
piliarineqartut sakkortussusiat eqqarsaatigalugu maalaarut tunngavissaqartoq
Maalaaruteqartarfik isumaqarpoq, taamaattumillu maalaaruteqarner-
mut akiliut utertinneqassasoq aalajangiivoq.

Tamatuma kingorna aalajangerneqarpoq:

Maalaarutigineqartoq, Kommune Kujalleq pinngitsuutinneqassasoq.

Maalaarutigineqartoq maalaaruteqartup suliamut aningaasartuutaanut akiliis-
sanngitsoq.

Maalaaruteqarner-
mut akiliut utertillugu akilerneqassasoq.

Kirsten Thomassen

— — — — —

Allatat eqqortuunerisa uppersarneri.

Suliumannittussarsiuussinermi maalaarutinut aalajangiisartut,
ulloq 23. oktober 2017.

Janus Køster

Suliumannittussarsiuussinermi maalaarutinut aalajangiisartunut allatsi